

玄覽堂叢書

第三冊

文淵堂藏書

卷一百一十五

裔乘南夷卷之二



閩漳浦楊一葵翹卿父著

安南

安南即堯典所謂羲叔居南交者也秦時置桂林南海象郡以處所徙民與越雜處後為趙佗所據漢高帝遣陸賈封為南越王使和輯百越毋擾邊呂后時佗號南武帝發兵攻長沙邊閩越西甌皆役屬焉東西萬餘里乃乘黃屋左纛

稱制與中國侔文帝即位復遣陸賈往諭之佗
恐乃謝去帝制黃屋左纁復書稱蠻夷大長老
夫臣佗向其居國竊號如故武帝初佗薨孫胡
嗣胡薨子嬰齊嗣王嬰齊薨子興嗣興太后即
卽卽膠氏女也內行不修國人不附太后欲倚
漢立威上書請比內諸侯三年一朝除邊關武
帝許之而丞相呂嘉不欲內屬遂發兵反攻殺
太后王及漢使者終軍等而立嬰齊子建德為

王漢遣路博德楊僕等四道兵出擊擒之南越
平遂以其地為儋耳珠崖南海蒼梧鬱林合浦
交趾九真日南九郡而儋耳珠崖二郡在海中
元帝時從賈捐之議罷二郡諸郡雖屬中國而
言語各異習俗頗惡男女同川而浴後徙中國
罪人使雜居其間乃稍知言語漸見禮化光武
中興錫光任交趾任延守九真教民耕種嫁娶
制為冠履建立學校於是嶺南有華風焉建武

中交趾女子徵側徵貳反甚雄勇九郡諸蠻皆
應之畧六十五城自立為王馬援討平之建安
初改為交州桓靈以後蠻獠又據象郡象林縣
遂為林國邑馬魏晉宋齊為州陳改為郡隋廢
置州煬帝復置郡唐改交州總管府俄復改安
南都護府至五代時土豪曲承美據之初唐末
有封州刺史劉隱有功于嶺南朱梁朱梁封為
南海王隱卒弟襲立多智畧悉平嶺南諸州遂

即皇帝位國號漢頃之遣兵攻交州擒曲承美
襲卒三傳至鋹交州大亂驩州丁璉舉兵擊破
之鋹授璉交州刺史號大勝王宋太祖興諭鋹
使稱臣不從遂擊之鋹降封恩赦侯初丁璉內
附封為交趾郡王自是交趾代稱王矣璉死弟
璿嗣年尚幼大將黎桓擅權劫遷璿於別第代
總其衆太宗遣將孫全興等討之不克而桓亦
時遣使入貢遂封為交趾郡王桓死子龍捷殺

兄龍鉞而自立苛害不法國人不附李公蘊遂
殺龍挺自稱留後遣使奉貢黎恒公蘊雖相繼
叛逆然不敢大與中國抗而中國亦以蠻俗不
足責因封公蘊襲王號如故蘊卒數傳至乾德
彛聽偏校言以爲安南可取大治戈船絕交人
來互市者於是乾德大舉入寇連陷欽連邕三
州屠其民五萬餘神宗怒遣將郭達趙尚等大
破之乾德懼遂奉表乞再修職貢還所奪州縣

尋約歸三州官吏千人久之方送民二百二十
一口男子皆刺額年十五以上刺曰天子兵二
十以上曰投南朝婦人刺左手曰官客悉載以
舟而泥其戶牖中設燈燭日行三十里則止而
偽作更鼓凡數月乃至蓋以示海道之遠也其
狡黠如是自是朝貢不絕乾德卒凡五傳而吳
昱立吳昱卒無子以女昭聖主國事而其壻陳
日煥遂盡有其地矣元時遣將兀良哈台攻諸

安南
夷之未附者先遣二使往諭交趾陳日熉縛二
使者禁諸獄中元大怒遣將徹徹都等分道進
兵討之日熉敗走海濱遂歸附元元封其子光
昺為交趾郡王終元世貢獻不絕我朝洪武
元年遣漢陽知府易濟頒詔安南明年國王
陳日熉遣使來朝貢請封上命侍讀學士張
以寧典簿牛諒齋詔封日熉為安南國王給
鍍金銀印至安南界日熉卒侄日熉嗣請授

詔印以寧拒之吾受命封先王何以得擅予若
日燧乃遣陪臣杜舜卿等來請而以寧留安南
侯命教安南人行三年喪及拜謁等儀上
聞之大喜賜詩獎以寧明年舜卿至上自
製祭文遣編脩王濂吏主事林唐臣往封日燧
拜詔甚恭未幾陪臣陳叔明殺日燧明老弟
熾代已而熾攻占城敗死弟熾代先是上常
戒安南占城毋相攻至是復諭之叔明表謝

歲遣人來貢 上令三年一貢毋侈方物進犀
象以勞吾民二十一年國相黎季犁遂大誅殺
陳氏更姓名曰胡一元子蒼曰胡奎僭號紀元
國曰大虞永樂元年表言陳氏世絕奎為陳甥
求署國事從之已真封為王會陳氏故臣裴栢
耆走闕下乞師而老櫓亦傳送故王孫陳天平
來朝安南使者見天平多泣下 詔詰季犁季
犁詭請迎天平歸還以國命廣西都督黃中呂

殺前大理卿薛崑等率兵五千送之至入境季
犁遣黃晦卿等迎候禮甚恭具牛酒犒師中等
不為虞行至芹站伏發殺天平薛崑亦遇害中
等引還上大怒四年以成國公朱能為征夷
將軍率新城侯張輔西平侯沐晟等二十五將
軍出廣西雲南而道討之而以尚書劉儁督師
上幸龍江誓師能行至龍州卒上命輔盡護
諸將兵代能輔等進破隘留雞陵等関傳檄數

李犁罪二十師次新福縣晟亦自雲南至白鶴
江遣人與輔會是時安南恃宣洮富良諸江為
固緣江北岸樹柵更築土城城柵相連亘九百
餘里各禦甚嚴輔下令軍中先登者賞不次於
是將士踊躍期夜襲城以舉火鳴角為號四鼓
都督黃中等銜枚舁攻具越重濠薄城下都指
揮蔡福先登衆繼之火舉角鳴安南兵倉皇矢
石不得發皆散走師悉入城賊驅象巷戰遊擊

將軍朱廣益獅象馬以神機銃翼而前象奔賊
大潰亂殺其帥梁民猷祭伯樂等追至傘圓山
死者不可勝計進克東西都賊焚城遁連戰萬
劫江木九江閘海口皆大破之前後斬首四萬
餘級溺水死者無筭諸郡邑相繼來降輔徧宣
上意令安業窮追李犁父子於竒羅海口都督
柳升以舟師至悉擒之安南平得戶三百一十
二萬象馬牛羊舟糧器械甚衆捷聞詔求陳

氏後無有者乃郡縣其地置交趾布按都使司
一府十七州四十七縣一百五十七衛十一所
三市舶司一以尚書黃福兼布按二司事勅輔
成求交趾有行能學藝者以聞輔等班師論功
進輔英國公晟黔國公升安遠伯其餘各陞賞
有差時永樂六年七月也八月交人簡定鄧悉
反晟討之失利 命輔往擒簡定磔于京簡定
既死踰年而季擴復叛稱大越皇帝季擴者即

簡定之從子自言我陳氏後請立不許請降許
之以為交趾右布政使輔歸復反復遣輔往轉
戰連年始獲之自輔之下交南凡三獲為主威
震西南夷中遂留鎮其地而尚書福有威惠交
人懷之弭伏莫敢動十五年召輔還以豐城侯
李彬代久之福亦歸尚書陳洽代時中官馬騏
墨而殘交人怨之三年之間叛者四五起彬俱
討敗之而黎利連結老撾縱橫出沒彬不能制